

鐵橋漫稿

卷七八

鐵橋漫稿卷第七

烏程 嚴可均 景文

陳燦若傳

陳肇英字燦若初名煥烏程之舊館人父榮字敬心有
隱德燦若弱冠爲歸安學生萬歷戊午舉人崇禎辛未
進士除應天教授遷國子博士歷兵部主事南職方郎
中出知撫州府搏擊豪強無所避擢按察使僉事備兵
九江當左帥失機游兵莫制燦若申嚴禁令無敢譁于
境上者流賊內偪明社將墟泣然曰事竟至此乃自號
止宐甲申正月乞終養歸未幾國變而左帥移駐九江
矣江右祀名宦著有韻府披寶南樞奏議齋治堂集俱

未鏤版今亡

嚴可均曰余家距舊館五里公之孫女余外王母也幼時屢從往嗇治堂見破書堆有李長吉集是余族巔軫子手批者乞得之後卅年子姓播遷零落而第宅屬他人矣君子之澤五世而斬爲之太息

嚴廣輿傳

嚴御風字廣輿號泠然初名有容歸安人祖軒貢生延慶衛教授父自省萬歷壬午舉人中書舍人廣輿博涉羣書通達時務崇禎初舉賢良除溧陽丞以卓異第一遷池州判歷福州同知汀州漳州知府所至百廢具舉擢按察使僉事備兵江右丁憂歸鼎革後徵不出順治

六年卒年六十五廣興世居雙林雙林之嚴與石冢同
源石冢我鳳林分派也廣興明季循吏其舉主卽石冢
琢如副使琢如與廣興故兄弟行內舉不避親亦猶行
古之道焉琢如子三求稱廣興古文雄高自恣今隻字

不傳

亡兄馥臺得摺扇面有東塔寺朱買臣墓詩二首
未題萬歷癸卯嚴有容蓋弱冠時作其詩曰翁子

二千載長眠秀水隈
仍率墳傾土大培紛紛游冶女爭上漢臣臺又云嚴助
同佳傳緇流守冢人猶憐禾地艸曾帶會稽春石冷行
吟夢花殷去婦塵自從成雁塔不復臥麒麟詩有風致
可入湖州詩錄再
續故附記于此

朱致一傳

朱用純字致一號柏廬崑山人居通闐橋東父集璜字
以發崇禎貢生鼎革時助王佐才守城城潰投東禪寺

後河外乾隆丙申入忠義祠用純性端方不苟言笑崇禎末蘇州府學生痛父外國難隱居教授以養母弟子著錄者數百人康熙己未舉詞科不就賦朱布衣詩以見志卒年七十二私謚孝定著有困衡錄萬七千言儒家者流異乎道學家語錄其最傳者治家格言江淮以南皆縣之壁稱朱子家訓蓋尊之若考亭焉

全紹衣傳

全祖望字紹衣號謝山小字阿補鄞人年十四補諸生始謁學宮至名宦鄉賢祠見謝太僕三賓張提督杰木主曰此反覆賣主賊捶之不碎投類池雍正七年充選貢入都上書禮部侍郎方苞論喪禮或問侍郎異之由

是聲稱藉甚十年舉進士不第工部侍郎李紱見其行
卷曰淡寧東發後一人也十二年

詔開鴻博大科薦者二百餘人集都下祖望譽最高
徐相國屢招致之不往遂淡嫉之乾隆元年成進士改
庶吉士十月大科

朝試相國以祖望故特奏凡經保薦而已成進士入詞
林者不必再與鴻博之試祖望負氣爲五六天地之中
合賦擬進卷二首杖漢志唐志之微出與試諸人右當
事者益嫉之明年散館列下等外補祖望性伉直不能
容物先嘗患齒痛妻張因事相規笑曰此雌黃人物之
報也卒不改至於放黜旣南歸丁外內艱服除不復謁

選性好聚書弱冠時登范氏天一閣謝氏天賜閣陳氏雲在樓遇希有之本輒借鈔入都鈔書不輟坐是困乏以行篋書二萬卷質於黃監倉然猶就永樂大典取所欲見而不可得者分例爲五一經二史三志乘四氏族五文集簽鈔之及放歸重登天一閣借鈔不輟家益貧饔飧或不給冬衣衿衣唯韓江馬氏稍賙濟之主講蕺山書院不數月與紹守不協固辭歸後主講端溪書院年餘以病歸乾隆二十年卒年五十一子昭德年十三先五月卒議立後而本支無其人乃立疏族孫孫桐爲孫盡弼所藏書萬餘卷於盧姓得白金二百爲喪葬費孫桐纔七歲後亦不達祖望經學史學詩文雅擅眾長

生平服膺黃宗羲宗羲著述甚多其最傳者南雷文定
于殘明碧血刻意表章祖望踵南雷之後亦刻意表章
詳盡而核實可當續史其七校水經注半在趙一清本
中因學紀聞三箋嘉慶初屠繼序得本梓于廣再梓于
浙學政阮芸臺得經史問荅史夢蛟得手定本鮎埼亭
集竝梓于浙外集詩集亦漸次梓行余觀古今宿學有
文章者未必本經術通經術者未必具史裁服鄭之與
遷固各自溝澮步趨其一足千古矣祖望殆兼之致難
得也當事者不善護持至使終身放廢人旣阨之天亦
阨之然而不朽著述久必發揚仕不公卿何關輕重自
祖望歿後至今五十餘年其遺書出而盛行知不知皆

奉爲浙學之冠故爲之傳俟史臣之述文苑者采焉

沈屺望傳

沈祖惠字屺望號虹舟烏程之馬要人明工部侍郎節甫來孫父在莪贅吳江平望李氏祖惠生浹月而母李卒育于外王父母仍爲外氏贅壻外氏無嗣因冒李姓年十九爲嘉興縣學生尋會餼雍正己酉拔貢乾隆壬申春領解第一其秋會試第二歸班改復沈姓除江西高安縣知縣充己卯同考官卒年六十八祖惠殫精帙括弱冠有聲屢困場屋年卅四游陝甘學政幕中始銳意詞章爲西征賦兩年乃成其序曰函夏都會十有七而秦地半天下漢唐建鼎全盛文學充於有位誇宅京

之藻麗競人神之瓌富揚光飛文鏗鏘百代矣折以夏
周文字至簡要而雍州所轄山則西傾朱圉島鼠太華
終南惇物三危合勑熊耳岷嶓岍岐荆而鎮吳嶽水則
漆沮澧沔涇渭河洛江漢黑弱而澤藪弦蒲所謂包地
絡陰陽挈神州綱領窅其被六合成帝畿天下有變長
驅荊豫天下無事鞭策戎羌秦并六國制東面之權也
周逐獫狁漢擊匈奴隋唐致呼韓突厥後病吐蕃回紇
憂在三邊也呂余所見詎待天山瀚海卽階文臨鞏榆
關之間雜虜出入好人而怒獸蜂屯蟻聚至不可爬梳
則欲毛舉大概曰揚摧漢京鋪陳邊塞情繁理富靡所
置喙僕東鄙人也所見不過婁淞苕霅煙蓑雨笠時相

往還嘗一驅馳涿鹿仰睇

神京歸瘼敦迫金臺燕市之旁謠詠僅矣頃隨使節周

歷全秦

時交河王侍郎蘭生師督學雍涼邀助閱卷

兩年呂來東盡商洛南

達漢中北抵上郡西薄燉煌縱橫萬有餘里所至得攷其圖籍山經地志神書怪牒起邃皇幽昧逮歷代將相侯王人物綱羅印證頗廣見聞顧鋪敘則事涉於鈔胥剖析亦技窮於隸首惟是東西郡邑交會之往來跋山踰河鞍馬行理之委頓與所歷邊方險塞碁置星羅蠻女羌童形詭音別及夫艸木苓落風雲變態春秋兩易牽於情思實多昔張左十年作賦屏人事而塵得之故逃覽眙聞洪纖畢舉僕才謝雕蟲構思促急略仿潘岳

西征竊倣詩人誌行役之義非所親覲不以撫羅其陳
蹟鬱湮而滄桑寥廓感今古之茫茫爲臨風而凭弔也
其辭曰粵維癸丑孟春正月初吉營室纏辰太簇中律
土脈始和寒風餘栗乍椒槃日頌花促斑衣之離膝師
命有程浩焉西征將翦井鬼之分野控雞梁日帶縈起
東海而略虞淵薄蜀庸而窮朔漠暘昧幽明所歷孔博
際

聖清之一統橫宇宙日覽廓丹陽水會句曲行彭橋聯
姊妹城枕鳳皇環鍾山之矗矗開白門之堂堂尋莫愁
之冶麗入建康日高驪明祖作都樹國再世乃輟而弗
康然猶肅留守者三百禩薦孝陵者十五王與燕都而

對峙拱宇內之金湯凌中流兮發櫂汎大江兮揚舠雲

日沃盥天水空青參差山郭隱約津亭迺躋危城登峭

閣

登江浦城樓

銀濤指鐵甕已瀉奔采石望江陵而咋愕艦

鷁齊飛檣舄遠掠竦歘嚮馳短轅言邁東葛

過東葛城

凌厲

中原漸莽蒼而異色澹蕭颯之墟邨輕陰犍犢落日鷄

豚則有豐山清媚淙水潺湲夕陽好身兮賓客闌小閣

幽梅兮風流暎

醉翁亭有老梅相傳爲歐陽文忠手植

猛將鈐甲於東門

守祧具禮於天慶

天慶觀宋藏藝祖衣冠

清流嶄截首扼雄關

關

山頂三面壁削宋祖破李景兵於關下

一夫當險萬夫莫扳緬殿前之點

檢此咤咄而拔山繁纓藻飾袍袖朱殷渡珠龍

橋

攀磨

盤山層岡疊嶂剝削巉岼已跨鳳而路闢尙環淙呂勢

攢相先民於殷夏赫高皇之龍翔朱旗起淮右羣雄殄

八方致治齊乎唐宋發迹竝乎高光何燕王之靖難志

剝喪乎元良彼末葉之黨錮職詒謀之不臧南都淫樂

終始興亡殯皇覺之古寺追豐沛於疇曩明祖受命曰皇覺寺為龍

興寺淮水湯湯隰原膺膺憑軾西蒙蒙城縣結紉城父義門集春

秋時楚太桐毫交衢吳楚錯語弭鹿邑縣入中州黃輿

豁其廖廓八極回乎寸眸自陳至許四望坦平道多列樹太皞始居此

地闕父封於有周秣馬乎魏都稅駕乎許濠武安雄烈

義動姦操古橋逶迤遺像飄蕭絢藻廡壁飛舞旌旄許州

八里橋有關壯歷新鄭觀邾鄆遠帶嵩邙近同漣穀跨

伊洛已迎暘前澮洧而宅卜既溥既長連蜷結束無平

不頗突兀軒臺

宜陽呂西無坦道

川原阨於號鄆繚戾通平韓

趙絕岸嶽崎而剝缺隆山敦宰而縣杳析城太行縈青

未了朝發軔於永寧

縣

夕余駕乎澠池

縣

偉英藺之進

缶不東瑟之偏嗤頸血欲灑白刃靡辭威夷峻阪崢嶸

古馘輦轂縣接人馬饑疲磁鍾

地名

即次曲殽是轅近高

天呂穴處外屋翼而鉏芸如螽蟓其羽侶蟻藩其軍

磁鍾

窑房最著每依高陵爲之街衢巷陌皆具種作牧放往來如蟻

循曲阿呂鬱磐紛轆轤

其偏窄衰軫墨經而授戈催汜塵兵而流赤陟陝鄆

陝州

當塞阨周召所分東西是劃指懷義

地名

之荒屯慨曲沃

之兆逆禍衍椒聊君如碁奕知天道之好還開三晉呂

分磔靈寶

縣

之墟桃林之驛國繫亡虞城顏通號

二字刻城

門 貪賂而賣厥鄰不臘而既已迫姬欲昌乎武胙疆大

啟曰戎索閔鄉縣重險函谷阻深天路壁削地道晝陰

封一丸之泥斷六國之襟踦蹶低仰曰赴軌寵從窄峒

曰噤音傍迫路之長驅終白日曰無見元鼎故關宏農

古縣漢元鼎三年徙函谷關於新安曰故關為宏農縣戾園則湖地廛存今閔鄉

鱣堂則高陵已變楊震書堂有遺址俄焉粉堞簪霄戍樓迎現

潼關城堞皆依萬仞之山峯偃蹇曰支檣濤喧逐其奔箭在溪峽中萬峯屹蔽

早聞河聲如吼雪然中斷乾旋坤轉壯百二之宏圖闢潼關之

四扇其關也建瓶韓魏括囊齊魯提舉兩戒鎖鑰三輔

十二連城禁溝門戶守潼關者禁溝最為要地古設十二連城於禁溝之西由南郊曰抵

山麓每三里一城聯絡呼應疾若風雨自哥舒慟哭組練生虜羽騎填塹

鐵橋漫稿 心矩齋校本

橫尸膏土黃巢襲呂偏師闖逆登於再鼓俱從禁坑陷關失險

由然明鑒具古載遵廣路始蹈秦郊芴實扶疏艸木漸

苞沃野千里都會四交爾其華陰紛翠鉅嶽舒蓮抗仙

掌呂高擢

東峯下仙掌形自縣望之五指分明

眇玉女之孤騫

東峯左襟下爲玉女

峯

削成四面直上五千其帝少睥其祀金天伊姚崇望

僖祀禋虔遵飾崇麗流蘇華旃青龍蚺蜺舞鳳嬈娟纏

屬輦道宛委楯軒斧屐設虞業縣鯨鐘鼉鼓軒訇殷闐

穹碑漢代蚪樹周年

西嶽廟在華山右壯麗如岱廟北宋時有漢碑三其延熹八年碑前

明尚存今僅見舊拓本若六朝呂來石刻不計其數有古樹撫之有古香俗稱青牛老樹方志云老子出關時

植手雨師警蹕風伯施鞭揚蜺旌而曳雲旗駕玉蚪而驂

紫輶

殿壁畫嶽神出游鳳輦法駕羽蓋霓旌之屬

飽廢興於終古悼山河之